



Meithrinfa Ddydd Lilliput - Campws Castell-nedd Datganiad o Ddiben

Diben

Ein nod yw darparu gofal dydd o safon uchel sy'n mwyafu datblygiad, gofal ac addysg plant mewn amgylchedd diogel, ysgogol a gofalgar, ble gallant ddysgu trwy chwarae mewn partneriaeth â rhieni/gofalwyr.

Mae Meithrinfa Ddydd Lilliput wedi'i chofrestru gyda, a'i harolygu gan Arolygiaeth Gofal Cymru (AGC) o dan Ddeddf Plant 1989, i ddarparu gofal dydd neu ofal dydd rhannol ar gyfer bechgyn a merched 12 wythnos oed i 7 mlwydd ac un ar ddeg mis oed. Rydym yn cynnig lleoedd meithrinfa ar gyfer plant myfyrwyr, staff y coleg a'r gymuned leol.

Ein rhif cofrestru AGC yw: W060000728/O001/0004.

Gellir darllen ein hadroddiad arolygu diweddaraf yn www.arolygiaethgofal.cymru

Mae Meithrinfa Ddydd Lilliput yn dilyn mentrau Llywodraeth Cymru trwy weithredu'r Cyfnod Sylfaen, y Cynllun Gwên a'r Cynllun Cyn-ysgol Iach Cynaliadwy. Rydym yn aelod o Flynyddoedd Cynnar Cymru (a adwaenwyd gynt fel Cymdeithas Darparwyr Cyn-Ysgol Cymru (W.P.P.A.)

Statws Cyfreithiol a Gwybodaeth Staffio

Mae Meithrinfa Ddydd Lilliput wedi'i chofrestru gydag Arolygiaeth Gofal Cymru (AGC) o dan ran 2 Mesur Plant a Theuluoedd (Cymru) 2010 a Gorchymyn Rheoliadau Gwarchod Plant a Gofal Dydd (Cymru) 2016 i ddarparu gofal dydd.

Yr unigolyn sydd â gofal ar sail bob dydd yw: Sarah Thomas

Enw'r darparwr cofrestredig: Meithrinfa Ddydd Lilliput

Unigolyn Cofrestredig: Grŵp Colegau NPTC

Unigolyn Cyfrifol (Ar y Cyd): Eleanor Glew ac Andrea Tregoning

Mae staff yn cael eu recriwtio a'u cyflogi'n ac yn gweithio'n unol â gofynion rheoleiddio neu'n rhagori ar y rhain.

Uwch Swyddog: Meithrinfa: Andrea Tregoning

Swyddog Meithrinfa: Sarah Thomas

Dirprwy Swyddogion Meithrinfa: Stephanie Powell a Lauren Jones

Nyrsys Meithrin: mae gennym 1 aelod staff amser llawn a 14 aelod staff rhan-amser.

Prentisiaid Modern: mae gennym bedwar hyfforddai sy'n gweithio tuag at eu QCF lefel 2/3.

Mae gan yr holl staff Meithrin, ar wahân i Brentisiaid Modern, gymwysterau at QCF Lefel 3, Diploma BTEC mewn Astudiaethau Plentyndod, NNEB neu'n uwch.

Mae'r holl staff wedi derbyn hyfforddiant ac yn dal tystysgrifau fel a ganlyn: -

- Gwiriad DBS Manwl/gwasanaeth diweddarau
- Cymorth Cyntaf Paediatric
- Diogelwch Bwyd
- Amddiffyn/Diogelu Plant
- Codi a Chario

- Sgiliau Bwyd a Maeth Cymunedol - Blynyddoedd Cynnar
- Dysgu gydag Awtistiaeth - Blynyddoedd Cynnar

Mae'r holl hyfforddiant ar raglen dreigl o bob tair blynedd. Mae staff yn mynychu cyrsiau hyfforddi, gweithdai a chynadleddau perthnasol. Mae'r Feithrinfa'n derbyn *smalltalk*, cylchgronau Nursery World a Chymdeithas Darparwyr Cyn-ysgol Cymru, sy'n cynnig cyngor ymarferol a gwybodaeth ddiweddar ym meysydd gofal plant ac addysg. Rydym wedi'n cofrestru ar wefan AGC ac yn derbyn newyddion yn rheolaidd am unrhyw newidiadau neu wybodaeth am leoliadau wedi'u rheoleiddio.

Mae Meithrinfa Ddydd Lilliput yn croesawu myfyrwyr ar leoliadau gwaith, gwirfoddolwyr ac ymwelwyr sy'n cyfoethogi profiadau plant. Mae'r holl fyfyrwyr/wirfoddolwyr yn destun gwiriad DBS cyn eu bod yn dechrau ar y lleoliad gwaith.

Trefniadaeth

Mae Meithrinfa Ddydd Lilliput yn adeilad penodedig a leolir ar Gampws Castell-nedd. Mae'r adeilad wedi'i rhannu i ddwy brif ardal. Mae ystafell plant dan 2 oed (ystafell fabanod) gyda phrif ardal chwarae, ardal gwneud llanast ac ystafell orffwys ac ystafell dros 2 oed (2 – 7 mlwydd ac 11 mis oed), mae hon yn cynnwys prif ystafell chwarae sydd wedi'i rhannu i "orsafoedd", ardal llawr caled, ystafell celf a chreffft ar wahân ac ystafell gartref.

Mae gan y ddwy ystafell unedau a blychau pren i storio teganau a chyfarpar.

Mae cyfleusterau toiled a newid cewynnau ar gael i'r holl blant, o fewn ystafell ymolchi ar wahân, ym mhob ystafell.

Mae gan blant fynediad i ardal chwarae awyr agored gyda llu o adnoddau. Mae ardaloedd chwarae awyr agored ar wahân yn darparu lle a chyfleoedd digonol ar gyfer gweithgareddau chwarae corfforol awyr agored. Mae ardal cegin fwd ac ardal sydd wedi'i neilltuo ar gyfer garddio.

Mae ardal y gegin, yr ystafell staff a'r swyddfa'n anhygyrch i blant.

Mae'r Feithrinfa'n gweithredu rhwng 7.30am a 6.00pm dydd Llun i ddydd Gwener trwy gydol y flwyddyn, heblaw am Wyliau Banc ac wythnos y Nadolig.

Mae'r Feithrinfa wedi'i chofrestru i gymryd 71 o blant ym mhob sesiwn, 47 dros 2 oed a 24 o dan 2 oed. Nid ydym byth yn cymryd mwy o blant na'r hyn a ganiateir gan ein cofrestrriad.

Mae cymarebau Oedolion/Plant yn cydweddu â rheoliadau AGC. Yr isafswm cymarebau staffio yw:

- Un oedolyn i dri o blant o dan 2 flwydd oed
- Un oedolyn i bedwar o blant 2 flwydd oed
- Un oedolyn i wyth o blant 3 i 7 mlwydd ac 11 mis oed.

Mae Meithrinfa Ddydd Lilliput yn darparu gofal trwy gyfrwng y Gymraeg a'r Saesneg.

Cred Meithrinfa Ddydd Lilliput mai rhieni yw prif ofalwyr ac addysgwyr eu plant ac fe'u gwahoddir i gymryd rhan ym mhob agwedd ar y Feithrinfa. Mae'r Feithrinfa'n cynnal nifer o ddiwrnodau codi arian trwy gydol y flwyddyn ac anogir rhieni i gymryd rhan.

Mae Meithrinfa Ddydd Lilliput wedi'i hyswiro gydag yswiriant atebolrwydd cyhoeddus ac yswiriant atebolrwydd cyflogwr. Dangosir y tystysgrifau yn y cyntedd.

Polisi Derbyn

Mae'r Feithrinfa ar gael i unrhyw un sydd angen gofal plant fforddiadwy o safon ar gyfer plant 12 wythnos oed i 7 mlwydd ac 11 mis oed. Gwahoddir rhieni/gofalwyr a phlant i ymweld â'r Feithrinfa am archwiliad cyn dechrau, trwy wneud apwyntiad gyda staff y feithrinfa. Byddwn yn ceisio bod mor hyblyg â phosib, fodd bynnag mae'n well osgoi amser prydau bwyd fel bod y plant yn gallu mwynhau eu bwyd mewn amgylchedd hamddenol.

Mae'r ymweliadau archwilio hyn yn bwysig gan eu bod yn galluogi plant a staff i gwrdd ac i'r rhiant/gofalwr gael mewnwleidiad i ansawdd y gofal y bydd eu plentyn yn ei dderbyn. Gellir ymdrin ag unrhyw faterion penodol yn ystod yr ymweliad hwn. Mae'r ymweliadau hyn yn ffordd gyfeillgar ac anffurfiol i bawb gwrdd â'i gilydd.

Gofynnir i rieni/ofalwyr sy'n ymgeisio i Gronfa Gefnogaeth y Coleg nodi Meithrinfa Ddydd Lilliput fel y flaenoriaeth gyntaf ar gyfer eu plant. Os ydynt eisiau lleoli eu plant gyda Meithrinfa arall dylent ymgeisio i wneud hyn, yn ysgrifenedig, i'r Tîm Cefnogi Dysgwyr.

Mae Meithrinfa Ddydd Lilliput yn cydnabod pwysigrwydd cydweithio rhwng rhieni/gofalwyr a staff i helpu plant i ymgartrefu gyda'n gofal a datblygu'r hyder i gymryd rhan yn yr holl weithgareddau a gynigir. Pan fyddwch wedi penderfynu defnyddio'r Feithrinfa byddwch yn derbyn y dogfennau 'Cytundeb Gofal Dydd' angenrheidiol. Bydd angen dychwelyd y rhain ynghyd â'ch taliad ymlaen llaw. Wedyn bydd lle eich plentyn yn cael ei gadarnhau.

Pan fydd lle wedi'i gadarnhau ar gyfer eich plentyn, byddwch yn cael eich gwahodd i un sesiwn dreial (sesiwn un awr), mae hon am ddim. Anogir rhieni i roi cynnig ar sesiynau byrrach yn gyntaf a chynyddu'n raddol i'r hyn sydd ei angen. Bydd hyd y cyfnod hwn yn dibynnu ar y plentyn unigol. Mae rhai plant yn cymryd amser hwy i ymgartrefu na rhai eraill.

Mae anghenion a dewisiadau unigol plant yn cael eu nodi a'u cofnodi pan fyddwch yn cofrestru gyda'r Feithrinfa.

Ein Meithrinfa

Ym Meithrinfa Ddydd Lilliput rydym yn deall pwysigrwydd datblygiad plentyn ac yn darparu amrywiaeth o weithgareddau, gyda'r pwyslais ar gael hwyl a dysgu trwy chwarae. Mae'r Feithrinfa'n gweithio i sicrhau bod yr holl ganlyniadau dymunol yn cael eu cyflawni ar gyfer yr holl blant. Mae'r holl weithgareddau wedi'u cynllunio, rydym wedi cyflwyno elfennau o'r Cyfnod Sylfaen ar gyfer y plant dros 2 flwydd oed. Bydd yr holl staff yn annog, cefnogi ac yn datblygu sgiliau eich plentyn. Rydym yn annog ymchwilio mewn ffordd drefnus a diogel yn ystod chwarae dan do ac awyr agored. Rydym yn darparu amgylchedd diogel ond yn caniatáu i'r plant ymchwilio i sut maent yn defnyddio'r cyfarpar sydd ar gael iddynt.

Yn ystod diwrnod arferol yn y Feithrinfa bydd eich plentyn yn cael llawer o gyfleoedd i ddysgu trwy chwarae gydag amrywiaeth eang o deganau, gemau a gweithgareddau. Caniateir i holl blant y Feithrinfa ddatblygu ar eu cyflymder eu hunain gyda chefnogaeth ac arweiniad gan y staff cymwysedig a phrofiadol. Bydd cyfle ganddynt i ymchwilio i lawer o ffurfiau ar gyfarpar crefft gan alluogi nhw i fynegi eu creadigrwydd. Mae'r holl waith celf/crefft a grëir gan y plant yn cael ei arddangos yn y Feithrinfa neu mae ar gael i rieni/gofalwyr fynd ag ef adref gyda nhw. Mae'r

Feithrinfa'n mabwysiadu drefn hyblyg er mwyn i weithgareddau neu gemau gael eu mwynhau'n llawn gan y plant. Mae croeso i rieni/ofalwyr gymryd rhan mewn amrywiaeth o ddiwrnodau gweithgareddau/codi arian etc.

Mae gennym bolisïau a gweithdrefnau cynhwysfawr yng Nghynllun Gweithredol y Feithrinfa, sydd ar gael ar gais i'n holl gwsmeriaid.

Mae'r polisïau a gweithdrefnau hyn yn cael eu datblygu a'u cynnal yn unol ag isafswm safonau a rheoliadau cenedlaethol. Maent yn cael eu hadolygu bob blwyddyn a'u diweddarau pan fydd angen (hysbysir AGC am unrhyw newidiadau sylweddol).

Trefn a Gweithgareddau

Asesir risg gweithgareddau ac anogir plant i adolygu a gwerthuso eu profiad os gallant/os ydynt yn fodlon gwneud.

Asesir cynnydd plant trwy arsylwi a chofnodi. Mae'n ddyletswydd ar Feithrinfa Ddydd Lilliput i rannu peth gwybodaeth gyda'r awdurdod lleol ac AGC. Mae ein cofnodion ar gael i'w trafod gyda rhieni unrhyw bryd ac yn cael eu cadw yn unol â'n polisi cyfrinachedd.

Ystafell fabanod

Gall yr ystafell fabanod gymryd hyd at 24 o fabanod 12 wythnos oed i 2 flwydd oed. Rydym yn gweithredu gyda system gweithiwr allweddol sy'n rhoi 3 o blant i aelod staff ar unrhyw ddydd penodol, ac mae'r aelod staff hwnnw wedyn yn gyfrifol am ofal y plant trwy gydol eu hamser gyda ni.

Tua 18 mis oed rydym yn annog y plant i integreiddio gyda'r ystafell dros 2 flwydd oed, bydd y gweithiwr allweddol yn mynd â'u plant i'r ystafell dros 2 flwydd oed lle byddant yn cymryd rhan yn yr holl weithgareddau ac yn cael sicrwydd ychwanegol eu gweithiwr allweddol. Bydd trefn gartref pob plentyn unigol bob amser yn cael ei dilyn gan y gweithiwr allweddol, mae hyn er mwyn hwyluso pontio o gartref i'r Feithrinfa.

Mae gennym bysgodyn, Pepper. Mae ei thanc wedi'i lleoli ar y bwrdd gwaith gyda tho wedi'i fentio. Nid yw'r tanc yn hygyrch i'r plant ond mae staff yn mynd â'r plant drosodd i fwydo'r pysgodyn a glanhau'r tanc. Mae'r plant yn cael eu goruchwyllo trwy'r amser pan fyddant yn yr ystafell chwarae.

Ystafell dros 2 flwydd oed

Gall yr ystafell dros 2 flwydd oed gymryd hyd at 47 o blant rhwng 2 flwydd oed a'r diwrnod cyn eu pen-blwydd yn wyth oed. Rydym yn gweithredu gyda system gweithiwr allweddol sy'n rhoi 4/8 o blant i aelod staff ar unrhyw ddydd penodol gan ddibynnu ar eu hoedran, ac mae'r aelod staff hwnnw wedyn yn gyfrifol am ofal y plant trwy gydol y dydd.

Gan i ni ddilyn y Cyfnod Sylfaen, rydym yn mabwysiadu sesiynau chwarae llif rhydd. Neilltuir staff i ardaloedd penodedig: ystafell gartref, celf a chreffft, cornel adeiladu, gorsaf dychymyg, gwlad llythrennau etc. Mae'r plant yn rhydd i symud rhwng gweithgareddau ac mae staff yn annog plant i gymryd rhan mewn gwaith grŵp. Yn ystod eu hamser yn yr ystafell dros 2 flwydd oed rydym yn anelu at adeiladu annibyniaeth plentyn unigol yn barod iddynt bontio i'r ysgol.

Sesiwn y bore

<u>7.30 – 9.30</u>	<u>9.30 – 10.30</u>	<u>10.30 - 11.00</u>	<u>11.00 – 12.00</u>	<u>12.00 – 1.00</u>
Cwrdd a chyfarch rhieni/plant	Golchi dwylo	Amser cylch	Gweithgareddau dan do/awyr agored,	Golchi dwylo
Golchi dwylo	Byrbryd tost a llaeth y bore	Traed prysur	Cornel adeiladu, Gorsaf dychymyg, Celf a Chrefft ac Ystafell Gartref.	Amser cinio
Brecwast	Brwsio dannedd		Wedi'i arwain yn bennaf gan blant gyda chyfranogiad gan staff	Toiledau/newid cewynnau
Chwarae rhydd	Toiledau/newid cewynnau			

Sesiwn y prynhawn

<u>1.00 – 2.00</u>	<u>2.00 – 2.30</u>	<u>2.30 - 3.00</u>	<u>3.00 - 4.45</u>	<u>4.45 – 5.30</u>	<u>5.30 – 6.00</u>
Gweithgareddau dan do/awyr agored, gweithio ar dyfu gardd	Amser cylch	Golchi dwylo	Gweithgareddau dan do/awyr agored, Cornel adeiladu, Gorsaf dychymyg, Celf a Chrefft ac Ystafell Gartref.	Golchi dwylo	Gweithgareddau Tawel.
Cysgu/gorffwys	Caneuon a Hwiangerddi	Byrbryd iach	Wedi'i arwain yn bennaf gan blant gyda chyfranogiad gan staff	Amser cinio	Jig-sos, Llyfrau
	Storiâu	Brwsio dannedd		Toiledau/newid cewynnau	Casglu plant
		Toiledau/newid cewynnau			

Diwallu Anghenion Unigol

Bydd y Feithrinfa'n ymdrechu i ddarparu'r gofal gorau posib ar gyfer y plant i gyd. Rydym yn croesawu plant sydd ag anghenion ychwanegol, ni waeth p'un a yw'r rhain yn anawsterau corfforol, ymddygiadol neu ddysgu. Rydym hefyd yn trafod anghenion y plentyn gyda'r rhiant, ac rydym yn barod i gynnig cymorth a chefnogaeth os bydd eu hangen. Os oes angen gofal un i un, bydd y trefniadau ymarferol yn cael eu trafod gyda'r rhiant/ gofalwr cyn bod y plentyn yn dechrau yn y feithrinfa. Rydym yn cysylltu â gweithwyr proffesiynol eraill hefyd i uchafu ansawdd y gofal a ddarparwn.

Mae'r holl staff yn ymwybodol bod dyletswydd arnynt i gynnwys y plentyn ym mhob gweithgaredd a gynigir yn y feithrinfa, gydag addasiadau os bydd angen. Anogir yr holl staff yn gadarnhaol gan y coleg i ymgymryd â hyfforddiant/cyrsiau i ddatblygu eu gwybodaeth a dealltwriaeth o anghenion ychwanegol.

Prydau a Byrbrydau

Rydym yn darparu brecwast iachus (ar gais), byrbrydau iachus yng nghanol y bore a'r prynhawn. Darperir llaeth/dŵr hefyd.

Mae cinio am 12 hanner dydd, gall cinio gael ei ddarparu gan Ffreutur y Coleg am dâl dyddiol, neu gall rhieni ddarparu cinio pecyn. Mae cinio nos ar gael am gost ychwanegol hefyd. Mae'n rhaid talu arian Cinio a Chinio Nos mewn arian parod, bob dydd neu bob wythnos.

Gellir darparu ar gyfer anghenion deietegol arbennig ar gais. Mae alergeddau/trefniadau penodol ar gyfer bwyd yn cael eu harddangos yn yr ystafelloedd chwarae ac yn y gegin.

Dim ond llaeth neu ddŵr rydym yn eu caniatáu trwy gydol y dydd, ni chaniateir diodydd ffrwythau, pop, coffi etc.... yn y feithrinfa. Os bydd rhieni/gofalwyr yn dewis darparu eu cinio eu hunain, rydym yn gofyn am brydau iachus a maethlon, dim creision, losins, siocled, bisgedi etc... Mae dŵr ar gael i blant ei yfed trwy'r amser.

Mae babanod yn cael eu bwydo yn ôl eu hanghenion penodol eu hunain. Ar gyfer babanod sydd ar fwyd fformiwla o hyd, bydd y fformiwla'n cael ei wneud yn ffres fel y bydd ei angen arnynt. Rydym yn rhan o'r 'Cynllun Croesawu Bwydo Ar y Fron' ac mae croeso i famau sy'n bwydo ar y fron ddod i mewn i'r feithrinfa unrhyw bryd i fwydo eu baban. Fel arall, gellir godro llaeth o'r fron a dod ag ef i mewn bob dydd neu ei rewi a'i storio yn rhewgell y feithrinfa, mewn cynhwysydd sydd wedi'i labelu gydag enw eich plentyn, i'ch baban ei ddefnyddio.

Maeth ac lechyd y Geg

Ym Meithrinfa Ddydd Lilliput rydym yn anelu at hyrwyddo bwyta'n iach, er mwyn darparu plant gyda deiet sy'n eang ac yn gytbwys o ran maeth i ddatblygu eu hiechyd, twf a lles. Darperir ar gyfer anghenion a dymuniadau unigol pob plentyn, boed meddygol neu ddiwylliannol.

Rydym yn darparu amgylchedd bwyta llonydd a dengar ble mae staff yn eistedd ac yn bwyta gyda phlant er mwyn darparu modelau rôl da yn ystod amserau bwyd. Anogir plant i olchi eu dwylo cyn byrbrydau neu brydau bwyd. Mae'r staff yn dangos i blant bod amser bwyd yn amser da i'w fwynhau ac i gymdeithasu gyda'i gilydd. Rydym yn annog annibyniaeth trwy roi offer bwyta priodol i'r plant fel y gallant fwydo eu hunain.

Mae'r cinio a ddarperir gan ffreutur y Coleg bob amser yn ddewis iach, sy'n addas ar gyfer pob plentyn unigol, rhoddir iogwrt naturiol fel pwdin. Mae diodydd ar gael ar alw trwy gydol y dydd ac rydym yn annog y plant i yfed digonedd o ddŵr. Mae ein bwydlen wythnosol yn cael ei harddangos ar yr hysbysfwrdd rhieni/gofalwyr yn y cyntedd.

Rydym yn rhan o'r rhaglen brwsio dannedd i blant, y 'Cynllun Gwên'. Fel rhan o'r cynllun hwn bydd pob plentyn yn cael ei frwsh dannedd ei hun, i'w gadw yn y feithrinfa a bydd yn cymryd rhan mewn brwsio dannedd o dan oruchwyliaeth yn rheolaidd.

Toiledau/Newid Cewynnau

Ni fydd unrhyw blentyn yn cael ei ddiarddel o fynychu Meithrinfa Ddydd Lilliput nad ydyw eto, o bosib, wedi'i hyfforddi i ddefnyddio'r toiled ac a allai fod yn defnyddio cewynnau o hyd am unrhyw reswm. Rydym yn gweithio gyda rhieni/gofalwyr tuag at hyfforddiant toiled.

Mae'r holl blant yn cael eu hebrwng i'r toiled, hyd yn oed y plant hŷn a mwy medrus. Nid yw plant byth yn cael eu gadael ar eu pennau eu hunain yn yr ystafell ymolchi. Mae'r holl blant yn cael eu trin gydag urddas, gofal a thosturi wrth newid cewynnau/defnyddio'r toiled.

Mae'n rhaid i rieni/ofalwyr ddarparu cewynnau a hancesi gwlyb i sicrhau bod gan y staff gyflenwad digonol ar gyfer pob plentyn. Rydym yn cynnal y safonau hylendid uchaf posib. Mae'n rhaid i'r holl blant ac oedolion olchi eu dwylo ar ôl mynd i'r toiled.

Cofnodir pob cewyn a newidir a phob taith i'r toiled.

lechyd a Salwch

Peidiwch â dod â'ch plentyn at y feithrinfa os yw ef/hi'n sâl. Mae'r feithrinfa'n cadw'r hawl i wrthod mynediad neu anfon adref unrhyw blentyn sy'n ymddangos yn sâl neu sy'n dioddef o anhwylder ymledol neu heintus. Os bydd eich plentyn yn mynd yn sâl yn ystod ei amser yn y Feithrinfa byddwn yn cysylltu â chi neu rywun a enwebir ar eich ffurflen cytundeb gofal dydd i'w gasglu/chasglu.

I sicrhau y gallwn gysylltu â chi'n gyflym, cofiwch sicrhau bod yr holl fanylion cyswllt yn ddiweddar. Hefyd, gofynnir i chi gysylltu â'r feithrinfa os yw eich plentyn yn dioddef o afiechyd ymledol oherwydd y gallai fod modd i ni isafu ymlediad y fath glefydau os cawn ein hysbysu.

Mae canllawiau ar gyfer cyfnodau diarddel yn sgil salwch, sydd wedi'u pennu gan y Tîm Diogelu lechyd Lleol, wedi'u harddangos ar yr hysbysfwrdd rhieni/gofalwyr a byddwch yn derbyn copi gyda'ch pecyn 'Cytundeb Gofal Dydd'.

Meddyginiaeth

Noder y bydd staff yn rhoi meddyginiaeth i blentyn, dim ond cyhyd â bod caniatâd ysgrifenedig wedi'i dderbyn ymlaen llaw. Gall meddyginiaeth bresgripsiwn neu 'dros y cownter' gael eu rhoi yn y Feithrinfa ar ôl derbyn caniatâd ysgrifenedig ymlaen llaw. Chi sy'n gyfrifol am hysbysu aelod o staff a llofnodi'r ffurflen 'meddyginiaeth'.

Os bydd angen rhoi cwrs o feddyginiaeth wrthfotig, ein polisi yw diarddel plant am 24 awr cyntaf y cwrs, a dylid rhoi o leiaf dau dds gartref.

Mae'n rhaid labelu meddyginiaeth bresgripsiwn yn glir gydag enw llawn y plentyn. Dylid rhoi'r feddyginiaeth yn ei pheccyn gwreiddiol i aelod o staff wrth gyrraedd.

Eli Haul

Pwysig - Gofynnir i bob rhiant/gofalwr ddod ag eli haul a het haul. Wrth ddewis eli haul, dewiswch un sydd â ffactor amddiffyn haul (SPF) o 15 neu'n uwch ac sy'n effeithiol yn erbyn UVA ac UVB. Os nad oes gan eich plentyn unrhyw amddiffyniad yn erbyn yr haul byddant yn cael eu cadw i mewn yn gwneud gweithgareddau dan do.

Mae hyn er mwyn sicrhau bod eich plentyn wedi'i amddiffyn yn erbyn pelydrau UV niweidiol ac nad yw'n dioddef niwed i'r croen trwy losg haul.

Diogelu Plant

Deallir bod y Feithrinfa o dan rwymedigaeth i adrodd i'r awdurdodau perthnasol unrhyw achos lle tybiwn y gallai plentyn fod wedi'i gam-drin neu ei esgeuluso neu os bydd gennym unrhyw bryderon am les y plentyn. Mae'n bosib y bydd hyn yn cael ei wneud heb hysbysu'r rhiant/gofalwr. Bydd unrhyw wybodaeth a roddir gan riant/ofalwr ynglŷn â'u plentyn yn cael ei thrin yn gwbl gyfrinachol, ac eithrio mewn achosion pan dybir bod camdriniaeth wedi digwydd tuag at blentyn.

Casglu Plentyn

Er diogelwch y plentyn ni fydd y Feithrinfa'n rhyddhau unrhyw blentyn i unigolyn anawdurdodedig, hyd yn oed os yw'r casgliad yn hwyr. Os yw unrhyw unigolyn heblaw'r rhiant/gofalwr yn casglu'r plentyn, mae'n **RHAID** hysbysu staff y Feithrinfa.

Mae gennym lyfr cofrestru y mae'n rhaid i'r rhiant/gofalwr sy'n gadael y plentyn ei gwblhau. Mae'n rhaid iddynt ddatgan yn glir pwy fydd yn casglu'r plentyn ac os bydd hyn yn newid yn ystod y dydd, mae'n rhaid iddynt gysylltu â'r Feithrinfa i'w hysbysu.

Os bydd rhywun heblaw'r unigolyn a nodir yn dod i gasglu'r plentyn, bydd Swyddog/Dirprwy y Feithrinfa'n cysylltu â'r prif ofalwr i gael caniatâd. Yn ddelfrydol hoffai staff y Feithrinfa gwrdd â'r person a enwir ymlaen llaw. Os nad yw hyn yn bosib mae llun neu ddisgrifiad da'n bwysig.

Os na fyddwn yn derbyn unrhyw hysbysiad, ni fydd y staff yn caniatáu i'r plentyn adael y Feithrinfa.

Oherwydd y canllawiau cofrestru, yn unol ag AGC ac Yswiriant Atebolrwydd Cyhoeddus y Coleg, noder bod y Feithrinfa wedi'i hyswirio a'i hawdurdodi i weithredu dim ond rhwng oriau 7.30am a 6.00pm, dydd Llun i ddydd Gwener.

Mae'n rhaid i Rieni/Ofalwyr hysbysu ni'n ddi-oed os na allant gasglu'r plentyn o'r Feithrinfa, ni waeth p'un a ydynt yn casglu ar ôl un sesiwn neu ddiwrnod llawn. Codir tâl casglu hwyr o £15 yr hanner awr i dalu costau staff.

Ffioedd a Thaliadau

Y strwythur ffioedd:

OEDRAN	DYDDIOL	SESIYNAU	½ SESIYNAU	7.30am – 8am	Gwasanaeth Ysgol
0 – 2 Oed	£38.00	£23.00	£14.00	£3.50	Dd/B
2 – 3 Oed	£37.00	£22.00	£13.00	£3.50	Dd/B
3 – 7 Oed	£36.00	£21.00	£12.00	£3.50	£4.00 Bob Ffordd

Diwrnod llawn – 8am i 6pm, Hanner diwrnod – 8am i 1pm/1pm i 6pm ac mae sesiynau 2½awr ar gael hefyd.

Mae contractau amser tymor, rota a gwyliau ar gael ar gais.

Codir tâl am absenoldebau ar y gyfradd llawn. Dyrennir un wythnos o wyliau i blant bob blwyddyn, pro rata. Mae'n ofynnol i'r holl rieni/ofalwyr nodi ym mha ffordd yr hoffent dalu eu hanfoneb Meithrinfa, a dyma wybodaeth y gofynnir amdani ar y cytundeb gofal dydd. Mae'n rhaid gwneud taliadau ymlaen llaw, bob wythnos neu bob mis.

Gellir gwneud taliadau gydag arian parod neu gerdyn credyd/debyd. Mae manylion banc Meithrinfa Ddydd Lilliput ar gael ar gais ar gyfer trosglwyddiadau banc. Rydym wedi'n cofrestru gyda Gofal Plant Di-dreth a'r Cynnig Gofal Plant am Ddim 30 awr yng Nghastell-nedd Port Talbot ac Abertawe. Rydym hefyd yn derbyn cynlluniau talebau Gofal Plant hefyd a, chan ddibynnu ar amgylchiadau personol mae amrywiaeth o grantiau/cyllid ar gael gan y coleg.

Bydd y ffioedd yn destun cynnydd blynyddol wrth dderbyn rhybudd gan Feithrinfa Ddydd Lilliput. Mae'r prisiau a ddyfynnir fesul plentyn ac yn cynnwys brecwast a byrbrydau.

Gofynnwn i chi setlo'ch cyfrif yn brydlon i'n helpu cadw costau i lawr. Bydd taliadau hwyr yn golygu ffi taliad hwyr o £20. Bydd plant yn cael eu diarddel o'r Feithrinfa os bydd ffioedd heb eu talu am fwy na 14 diwrnod y tu hwnt i'r dyddiad dyledus a bydd y cofrestriad yn cael ei derfynu. Chi sy'n gyfrifol am gael derbynneb gan y feithrinfa fel prawf o dalu.

Noder bod ffioedd yn daladwy yn ystod cyfnodau salwch o'r Feithrinfa oherwydd salwch neu unrhyw wyliau y dymunwch eu cymryd.

Cynghorir rhieni/gofalwyr i siarad ag Andrea Tregoning, Uwch Swyddog: Meithrinfa am dalu ffioedd yn achos absenoldeb hir.

Pan fydd lle wedi'i gadarnhau yn y feithrinfa, mae'r taliad cyntaf yn ddyledus ymlaen llaw er mwyn sicrhau'r lle. Gellir talu ffioedd yn ddyddiol, wythnosol neu'n fisol, ymlaen llaw.

Y cyfnod rhybudd gofynnol ar gyfer terfynu'r contract yw **un mis**, yn ysgrifenedig. Os rhoddir rhybudd annigonol byddwch chi'n gyfrifol am dalu'r ffioedd llawn.

Ffioedd Heb eu Talu

Mae Meithrinfa Ddydd Lilliput yn cadw'r hawl i godi llog ar ffioedd heb eu talu ar gyfradd o 5%. Disgwylir y bydd unrhyw/yr holl ffioedd Meithrinfa'n cael eu talu'n llawn erbyn yr adeg y bydd eich plant yn barod i adael y Feithrinfa. Os na thelir ffioedd Meithrinfa neu os na chymerir camau i ostwng costau gofal plant dyledus, mae Meithrinfa Ddydd Lilliput yn cadw'r hawl i ganslo lle plentyn o fewn y lleoliad.

Amodau a thelerau

Mae'r rhain wedi'u disgrifio yn y contract rhwng rhieni/gofalwyr a Meithrinfa Ddydd Lilliput ac maent wedi'u hymwreiddio yn ein polisïau a gweithdrefnau.

Mae'n rhaid i rieni/ofalwyr lofnodi'r contract a chwblhau'r ffurflen gofrestru cyn i'w plentyn ddechrau. Mae'n ofynnol i rieni/ofalwyr hysbysu'r Feithrinfa ar unwaith am unrhyw newidiadau i amgylchiadau personol y plentyn. Mae'n rhaid hysbysu'r Feithrinfa am unrhyw newidiadau i fanylion cyswllt rieni/gofalwyr.

Mae samplau o'r contract, y ffurflen gofrestru a'r set lawn o bolisïau ar gael gan swyddfa'r Feithrinfa.

Hysbysir AGC a rhieni/gofalwyr am unrhyw newidiadau i'r datganiad o ddiben hwn, sy'n cael ei adolygu'n flynyddol o leiaf neu o ganlyniad i newid mewn arferion gweithredol. (Cefnogir y datganiad o ddiben gan gynllun gweithredol Meithrinfa Ddydd Lilliput a bydd unrhyw newidiadau i'r un yn cael eu hadlewyrchu yn y llall.)

Hysbysir AGC 28 niwrnod cyn y bydd newid yn dod i rym.

Trefniadau Argyfwng

Os ceir sefyllfa sy'n golygu na ellir defnyddio'r Feithrinfa, bydd y coleg yn gweithio gyda'r Uwch Swyddog: Meithrinfa i drefnu llety amgen o fewn y coleg. Bydd ardal/ystafell yn cael ei neilltuo ac fe gaiff ei sicrhau bod yr ardal honno'n cyfateb i ganllawiau a rheoliadau AGC. Cysylltir â'r holl rieni/ofalwyr os yn briodol.

Os bydd angen gadael ar frys oherwydd larwm tân bydd y plant yn cael eu hebrwng yn ddigynnwrf gan staff o'r adeilad i Theatr Nidum/yr adeilad diogel agosaf, lle gallant gael eu cysuro, eu cadw'n gynnes ac yn sych a'u difyrru. Cedwir cofnodion o'r holl

ymarferion tân fel y gellir cynnal adolygiadau rheolaidd i sicrhau bod camau'n cael eu cymryd i wella'r broses.

Mae gan Feithrinfa Ddydd Lilliput weithdrefnau ar gyfer cadw'r plant yn ddiogel o dan ein gofal. Cyflawnir Asesiadau Risg yn rheolaidd a llenwir cofnod peryglon dyddiol ar ddechrau pob sesiwn.

Casglu o'r Ysgol

Mae Meithrinfa Ddydd Lilliput yn darparu gwasanaeth codi/mynd â phlant ar gyfer yr ysgolion a ganlyn:

*Ysgol Gynradd Catwg, Heol Fawr, Llangatwg, Castell-nedd SA10 8BL

*Ysgol Gymraeg Castell Nedd, Heol Woodland, Castell-nedd SA11 3AL

*Uned Blynyddoedd Cynnar, Heol Penlan, Longford, Mynachlog Nedd, Castell-nedd SA10 7LB

Mae staff yn defnyddio eu cerbydau eu hunain i gludo plant i'r ysgol ac oddi yno. Mae Meithrinfa Ddydd Lilliput yn darparu seddau plant diogel ar gyfer pob car. Mae 2 aelod o staff ym mhob cerbyd ar bob adeg (2 cymwysedig neu 1 cymwysedig ac 1 hyfforddai).

Rydym yn sicrhau bod gan yr holl staff drwydded yrru lawn lân ac yswiriant dilys. Rydym yn cadw copïau o'r dogfennau hyn yn y feithrinfa.

Codir tâl am y gwasanaeth hwn, bydd y ffioedd yn dibynnu ar eich anghenion gofal plant unigol, felly cynghorir pob rhiant/gofalwr i drafod eu gofynion gydag Andrea, Sarah neu Stephanie.

Parcio Ceir

Mae dau le parcio dynodedig ar gyfer gollwng a chasglu plant o'r Feithrinfa. Yn ystod cyfnodau prysur o'r dydd, sicrhewch eich bod yn parcio eich cerbyd mewn lle parcio arall priodol os yw'r lleoedd hyn yn llawn. Sicrhewch ddiogelwch bob amser.

Cwynion neu Bryderon

Rydym yn ymroddedig i ddarparu gwasanaeth agored o'r radd flaenaf ac yn anelu at ddarparu'r gofal gorau posib ar gyfer eich plentyn. Os byddwch yn anfodlon, gofynnwn i chi siarad yn gyntaf ag un o'n haelodau staff, y Swyddog Meithrin neu'r Dirprwy Swyddog Meithrin. Mae gennym lyfr awgrymiadau ar y bwrdd yn y cyntedd.

Os yw'n fater mwy difrifol gallwch gysylltu â'n Swyddog Cyfrifol/Uwch Swyddog: Meithrinfa, Andrea Tregoning ar 01639 648039, bydd gofyn i chi gyflwyno eich cwyn yn ysgrifenedig. Fe gewch eich hysbysu'n ysgrifenedig am ganlyniad yr ymchwiliad o fewn 14 diwrnod.

Os ydych yn teimlo nad ymdriniwyd â'ch cais yn foddhaol efallai y byddwch am gysylltu â'n Hunigolyn Cyfrifol, Eleanor Glew, Is-brifathro: Gwasanaethau Gweithredol, Grŵp Colegau Castell-nedd Port Talbot, Campws Castell-nedd, eto rydym yn gofyn i'r gŵyn gael ei gwneud yn ysgrifenedig. Fe gewch eich hysbysu'n ysgrifenedig am ganlyniad yr ymchwiliad o fewn 14 diwrnod.

Nid yw AGC yn asiantaeth ymchwilio, er hynny maent yn hapus i wrando ar unrhyw bryderon sydd gennych.

CIW – Swyddog Arolygu
AGC Rhanbarth De Cymru,
Adeilad y Llywodraeth,
Teras Picton,
Caerfyrddin,
SA31 3BT
E-bost: – ciw@gov.wales
Ffôn: - 0300 7900 126

Mwy o Wybodaeth

Os oes angen unrhyw wybodaeth bellach arnoch neu os hoffech wneud trefniadau i ymweld â'r Feithrinfa, mae pob croeso i chi gysylltu ag Andrea Tregoning, Sarah Thomas, Stephanie Powell neu Lauren Jones.

Meithrinfa Ddydd Lilliput
Grŵp Colegau Castell-nedd Port Talbot
Heol Dŵr-y-Felin
Castell-nedd
SA107RF
Ffôn: - 01639 648039
E-bost: lilliputdaynursery@nptcgroup.ac.uk

Crëwyd y datganiad o ddiben hwn ar gyfer Meithrinfa Ddydd Lilliput ar: 01 Mawrth 2017

Gan: Andrea Tregoning

Swydd: Uwch Swyddog: Meithrinfa

Dyddiad adolygu: 19 Chwefror 2019

Dyddiad yr hysbyswyd AGC am y newid: 20
Chwefror 2019